



Gol kommune

Arkivsak-dok. 18/00456-1
Saksbehandler Svein Eide

Saksgang
Formannskapet /Kommuneplanutvalet

KOMMUNEPLANENS SAMFUNNSDEL 2018-2030 - HØYRING OG OFFENTLEG ETTERSYN

Saka vert avgjort av:
Kommuneplanutvalet .

Vedlegg:
Dok.nr. 3- Kommuneplan for Gol- samfunnsdel 2018-2030- høyringsutgåve

Dokument i saka:

1. Planprogram for kommuneplanens samfunnsdel, vedteken i sak K37/17 den 13.06.17
2. Kunngjering om oppstart av planarbeidet – annonse den 15.07.17.
3. Kommuneplan for Gol- samfunnsdelen 2018-2030- høyringsutgåve

Saksopplysningar:
Planprogrammet for samfunnsdelen vart vedteken av kommunestyre i sak K37/17 den 13.06.17. Varsel om planstart vart kunngjort juli-2017. Den nye kommuneplanen erstattar Gol kommune sin samfunnsdel frå 2009.

Planforslaget tek utgangspunkt i planprogram og lokale- og nasjonale føringar for samfunnsutvikling. Høsten 2017 og vinteren 17/18 er det halde politiske og administrative arbeidsøker for å arbeide med visjon, utfordringar, mål og strategiar. Planutvalet og administrativt planforum er informert undervegs i prosessen.

Forslag til planforslag er bygd opp om med utgangspunkt Gol kommune sin sentrale plassering mellom aust- og vestlandet. Fokuset er dei lange linene og korleis me ynskjer at samfunnet skal sjå ut i 2030.

Det er valgt ut fire hovudutfordringar:

- Folketalsutvikling
- Folkehelse
- Miljø, klima og samfunnstryggleik
- Tettstadutvikling og samferdsel

Videre er det peika ut **3 satsingsområder** fram mot 2030:

- Gol sin plassering regionalt og nasjonalt
- Næring og arbeidsplassar
- Det gode liv i Gol

«Det gode liv i Gol» omfattar dei mjuke verdiane, som kultur, oppvekst og helse og omsorg. Kwart satsingsområde har mål med tilhøyrande strategiar. Tema som arealbruk, samfunnstryggleik, miljø og klima vil i ulik grad ha innverknad på satsingsområda.

Gol kommune sin samfunnsdel skal vere styrande og gje ein retning å gå etter.

Forhold til overordna plan:

Gol kommunestyre vedtok planstrategien for 2016-2019 den 13.12.2016 sak 108/16. Her vart det bestemt at kommuneplanens samfunnsdel skulle rullerast i valperioden.

Miljøkonsekvenser:

Det blir vist til plandokumentet

Helse-/miljø og beredskapstilhøve:

Det blir vist til plandokumentet

Økonomiske konsekvensar:

Kommunestyret har i budsjett 2017 og 2018 vedteke rammer for kommuneplanarbeidet, inklusivt midlar til kommuneplanens samfunnsdel. Kommuneplanens mål og strategiar legg føringar for tiltak som må vurderast i økonomi- og handlingsprogram.

Vurdering:

Eksisterande samfunnsdel for Gol er på over 60 sider og svært omfattande og detaljert. Tendensen innen planfaget er å erstatte slike omfattande planar med relativt korte dokument med tydelig budskap. Forslaget til ny samfunnsdel for Gol er på 15 sider.

Undervegs i prosessen har det vore drøfta fleire alternativ til visjon for Gol fram mot 2030. Dei fleste er knytta til Gol sin sentrale plassering. I framlegg til plan har ein valgt «Gol-møteplassen mellom aust og vest». Mange vil nok spørje seg om ikkje dette berre er ei stadfesting av det vi alt er i dag. Til ein viss grad er det det, men forslaget gjev eit tydeleg signal om at kommunen skal ta posisjonen som det «viktigaste» knute- og tyngdepunktet mellom to landsdelar. Ingen andre skal kunne ta denne posisjonen.

Av andre aktuelle forslag kan ein nemne:

«Gol- det beste (gode) vertskap»,

«Hjarterom og opne armar- det gode vertskap»

«Beste (gode) vertskap mellom aust og vest»

«Byen mellom aust- og vest»

Høyring og offentlig ettersyn er ein del av planprosessen der offentlige instansar, innbyggjarar, næringsliv og organisasjonar skal ha anledning til å komme med innspill til

planforslaget. Høringsfrist på minst 6 uker blir kunngjort i Hallingdølen, på kommunens heimesider og ved brev til aktuelle høringspartar.

Planprogrammet legg i utgangspunktet ikkje opp til dialogmøte i løpet av høringsrunda. Det er likevel viktig å informere og ha dialog på naturlige møtearena og via lokalavis, nettsider og sosiale media. Dersom planutvalet ynskjer opent informasjonsmøte om planforslaget i løpet av høringsrunda, er det naturlegvis rom for det.

Målet er at samfunnsplanen skal sluttbehandlast av kommunestyret i juni mnd. i år.

Rådmannen si innstilling:

Forslag til kommuneplanens samfunnsdel for Gol i perioden 2018-2030 blir lagt ut på høyring og til offentlig ettersyn jf. plan- og bygningsloven § 11-14.

Underskrift

Hege Mørk
Rådmann

Svein Eide
Kommunalsjef